

Dr. I. Đ. Višošević, rektor grkt. sjem. Zagreb g. g.

РУСКИ НОВИНИ

„Руски Новини“ виходза кажди тидень. — Предплата на рок 60 Дин. Адреса: „Руски Новини“ Р. Крстур.

ЗА РУСИНОХ У ЈУГОСЛАВИЈИ

Видава: Руске Нар. Просв. Дружтво
Редактор: Мпх. ФИРАК.

Найважнейши висти.

НЕУСПИХ БОЛЬШЕВИКОХ У ЖЕНЕВИ.

На засиданију Союзу Народох у Женеве предложел министр еспанскей лольшевицкей влади Дел Вайо — да Союз Народох да помоц еспанским большевиком, же би вони могли побиц еспанске народне войско. За тот предлог гласал едини Литвинов, ваступник большевицкей Москви, а други держави були проци и так большевицки предлог препадул.

ПЛАЦА ЗЕМЛЕДІЛСКИХ РОБОТНИКОХ.

Тих дньох подзвигла ангийска влада плацу земледілских роботнікох од 33 на 34 шилинги на двень. То значи, же ангийски надничар ма тижньово 320 Д. плаци, мешачно 1.280 Д. На такей плаци могли би ангийским роботніком завдзиц велі наше „панове“.

ЧЕХОСЛОВАЦКЕ ПИТАНЕ

випатра же будзе неодолюго ушорене так, як то ческей влади порадвели Ангийци. За кратки час видаю Чеси Народни Статут, у котрим признаю право на самоуправу шицким народним меншином у першим шоре Немцом. Лем у едним не сцу ше Чеси пременци и попуциц: Не сцу одказац союз з большевиками. Ипак ише веря, же могу мац од большевицох яку-таку помоц.

ЖИТЕЛЬСТВО ЈУГОСЛАВИЈИ.

Наша держава мала 1. јануара того року 15 милиони и 400.000 житељох. У 1921 року не було полних 12 мил. Рочни прирост житељох е 31 особа 1.000 житељох. Найвекши прирост житељства у Босней а найменши у Словениј. 1921 року було у нас 48 жителі на квадрат килом. У того року 61. Југославия спада медзи тоти держави, котрих ше житељство уножуе најбаржей. Векши прирост житељства указуе лем Болгарска, Румунія наша стара Оцовщина Украина. Русини Југославиј по войны на превельки жалъаю вельо менши прирост як пред войну. Найгорши су у тим: у Бачкей Коцур, а Сриме Миклошевци. У тих валалох Русини починаю уж вимерац на ганьбу цацого руского народа.

ПОЧИНА ШЕ ГУБИЦ

догварка медзи Французку и Италию. Пред Гитлеровим приходом до Риму являю новини, же порозумене медзи тима двома державами уж готова ствар лем не ма подписац писмени протокол о спору. Але пришол Гитлер до Риму и як и шицко погубел. Бо терас Италия пита Французкей, да ше она одрекне союзу з большевиками. „Лебо з нами лебо з большевицку Москву“ — поручел Мусолини Францувом: А Францувом ше не сцегабиц большевицке приятельство. Вони маю же большевицка Москва то їх најважнейши приятель и помоц у нужди. То догваряня у Риму станули як ше втари, на мертвей точки.

Цена зарну.

У остатних двох тижньох цена зарну — житу и кукурици у Југославиј нагло скочела горе. Жито од 180 Д. скочела на 230 и 240 Д., а кукурица од 100 Д. на 115 Д. Тот скок цени зарна розлично ше толкуе.

Едни гваря, же зарно прето так подражело — бо го нет. И наисце тарговци гледаю и питаю жито и кукурицу — але барз мало можу достац. Земледілци уж випредали, — цо мали, а и тарговци не маю, а котри мало, стримујо ше и чекаю ише векшу цену. Баш тоти вельки тарговци правя најбаржей таки високи цени, бо знаю, же жита нет, а гледа ше вельо. У Бачкату ише ест дакус жита, але у Бачкей и Славониј уж шицко випредане. Ипак то не значи, же до нового жита не будзем мац хлеба. — Тото цо остало будзе досц до нового, але за вивоз уж не маме. Гу тому ше у пасивних наших крайох терас троши лем кукурица, бо жито за худобних босанцох и Черногорцох предрате.

Медзи тарговцима ше уж почало бешедовац, же би ше могло до нас увозовац цудзе жито на приклад зос Мадярскей и то би ше виплацело, лем кед би держава касирала царину на цудзе жито, котра виноши 65 Д. Без царини коштало би у Суботици румунске жито 185 Дин.

У звязи зос тим ненормалним повишеньом цени жита представници войводянских млінох були у депутациј у министра тарговини дра Врбанича и моделли го, да дацо зроби у тей ствари. Министер Врбанич виявел, же вон дума, же тото скакане цени преходне и цени неодолюго заш спаднио, бо у держави ест ише досц жита и кукурици.

Кед млінаре питали министра, чи би увоз цудзого жита до нашеј держави поправел стане наших житних пияцох и збил цену, министр одповед, же вон проци скаканю цени не може и не дума ніч робиц, бо баш терас влада роби на тим, да подзвигне финансијалну моз земледілцох, а висока цена зарну приноши земледілцом лем хасен. (То би було так, кед би терас бул не май, але август, кеди кажди тпараст ма жита за предай. — Ред.) На концу обецал пан министр, же цалу тоту ствар винеше на министерске засидание.

Наисце тоти високи цени пришли нескоро и земледілци од ніх хасну не маю, а шицка тота худоба, котра муши хлеб куповац, рахуеме ту и најших державних уряднікох, ма лем чкоду, бо плаца остала иста, а хлеб и масц тоти два најважнейши животни потреби, кажди дзень дракши.

Же би и најхудобнейши земледілец мал хасен од таких цаглих високих цени, треба основац житарски коопе-

ративи, котри би жито брали до својх магазинох, а парастови би дали якуш суму на конто (без каматох), а зос жито би чекали на најлепши момент и највисшу цену. Таки кооперативи постоја у Данскей и у Канади и вельо хасну земледілцом приноша. У нас на жалъ на таку организацију земледілци ані не думало, лебо лем даедни. Терашні високи цени зарну давало каждому нагоду, да о тим роздума.

Бо нікто земледілцу не поможе, кед вон сам себе не поможе.

Моц земледілца — як и шицких других класох людского дружтва — лем у мудрей и чесней организациј!! (Мк)

Цо даваю Чехи своім Немцом?

Службени Гитлерово новини „Антриф“ пишу, же ческа влада обецуе судетским Немцом тоти права у националним статуту: 1. Немци достаю культурну автономию то значи сами буду управяц зос своіма школами; 2. Автономию господарску цо значи, же шицки порци, цо их Немци плаца буду ше трошиц лем на потреби Немецких крайох, 3. Немецки јазик будзе у немецких крайох зровнани зос ческим, будзе признати як други державни јазик; 4. У шицких урядох будзе немецких уряднікох тельо, кельо ест у дотичним краю немецкого народу; 5. Створи ше една комисија од Чехох и Немцох, котра будзе надпатрац, да ше тоти постанови Националногo статута точно виполнюю.

Јак видзимо Чехи даваю досц. Особено важна точка друга, котра дава судетским Немцом господарску автономию. Немецки пенџ лем за немецки потреби.

Кед поровнаме тоти широки народни права, цо их даю Чехи Немцом зос тоту чежку неволю, у котрей живе 7 милиони нашого народа у Польскей та аж теди јасно увидзимо, јаки мудри Чехи, а јаки нерозумни Поляци, бо зос преганяньом наших братох сами себе правя и виховую најгорших неприятельох. И то им ше муши вимсциц. Терас лебо познейше, але муши, бо таки природни закон.

РУСКА НАРОДНА ЧИТАЛНЯ У РУСКИМ КЕРЕСТУРЕ

дава свой избрани програм у Нар. Доче вечар од пол 9 годзин

СОБОТУ пред кирбайом (21. V.):

1. „Заруки по шмерци“ (франта у 2 дйох)
2. „Колок ше зос колком вибива“ (франта у 1 дй)

ВНЕДЗЕЛЮ на сам кирбай (22. V.):

1. „Врачаніни“ (франта у 1 дй)
2. „Колок ше з колком вибива“ (франта у 1 дй).

Зос участвийом читальньового хору и муз. капели, котри виведуда скельо бачванско-сримски народни писні

Сподзиваеме ше же тот красни програм зацикави еднак як домашних так госцох зос страни, та не обкерую тот добри, а ридки ужиток. Одбор

Нашо стигматички.

Медиумизм. Явище наших стигматичкох пробовал о. Костелник розяшніц и з помоцу медиумизма.

Медий. то ше вола посредник, через котрого гутори лебо роби даяки дух. Таки явища употреблювали у спиритизму и гипнотизму. Ту треба познаи и найновши винаходи физики и силу гравитациі (жем прицагує слунко, слунко жем и кажде цело ма свою силу прицагованя). Магнет прицагує железо и през скло... Атоми (премалки заренка) маю свою енергию (силу) з котру су вязани з другима и видаваю тоту силу вонка зос себе, далеко од себе. Тото свойство тілох назвал о. Костелник «авра». Кажде, гоч и найменше цело — то як радиостация, котра зос себе послала до швета тото цо у нїм.

А людска душа? То тиж една радиостация, котра наоколо себе по цалим швецѣ послала тото цо ше у ней става. И людска душа ма свою „авру“. Вона є не лем радиостация, алз и радио апарат, котри збера посланя других радиостацийох — душох. Душа каждого человека зос своїма заряма обоймує цалу жемову кулю.

На пр. Нераз ше стало, же тот цо шпи кед ше наньго моцно упатрїме, а вон ше пребудзи; а кед зме на драже, вон ше несподзвано обраци гу нам; або подумаме на даяку писню, а вон ю зашпива. То наша душа через свою авру так дійствовала на ньго, и вон то почул. Давнейше толковали таки явища зос сугестію. Медий, телепати, ясновидци маю таке свойство, же можу примац таки явища, котри далеко од нїх, можу одкривац тайни ствари и т. д.

Через психичну (духову) авру мож рушац предмети, котри ше далеко нахадза и аж преношовац ихт. Уидѣлїф у візїи сѣ.

Евстахия Бохняк зошїцким легко преноши з духом своім даяку ствар з єдного места на друге, або вжац ю зос замкнутой лади. Кед предмет блїзко ней (пар метери) преноши го вона и през екстази, у свідомосци своєй. Кед предмет далеко, та го преноши у екстази. Евстахия уж 12 роки лежи у посцелї (на даскельох местох ма зламано похребцину), з руками вона не може ані дзвигнуц чежки предмети, котри з духом преношує.

З помоцу психичней аври мож — попри завартїх очох — читац запечатане писмо,

видзиц през мур, чуц слова зос барз далека и т. д.

То шицко спомнута пре природне пояшньованє стигматизациі. Кед таки ствари мож природно пояшніц, та чи би не мож и стигматизациі так пояшніц? Попробуєме.

Става ше нераз, же Христово розпяцє як да на час ожїє, плаче, кирвави. Кед то звязанє з даяку особу, теди ше то става через психичну авру тей особи. Так було и у Асти (у Италиі) 1933. р. Розпяцє вдней хорей жени у шїталоу кирвавело...

Мистичним образом Настї Волошин и Евстахї Бохняк на склу — додавали вони свою крєв. Настя гварела у екстази, же ше ей крєв розлєє по цалей України, т. є. Настьова крєв ше розлєла по ей мистичних образах.

Св. Франциск з Асизу на смертельней посцелї модлєл братох да поволаю з Риму його єдну добродїйку, да принєше платна на шмати чернечи и цєста, котре любєл св. Франциск. И тот панї пришла скорей як ей монахи могли одказац и шицко так принєсла. У Риму чула глас, же би то шицко поробєла св. Францискови.

Индийски факири викааю ше з тим, же посадза зарно лебо рижкашу, котра под впливом їх психичней аври вироснє за даскельо минути на полни и узрети клас...

З Настї виходзи сила, кед вона помага хорим: вона їм придає свою животни сили, а од хорих пребера на себе їх хороти и у своім организму їх знішує.

Чуда св. Януария у Неаполю могли би ше вияшніц з впливом збирней молитвеней аври вирних.

Шицки хори у Дурду жадаю себе здравє, модля ше, веря у Божу помєц, сугестію себе, алє лєм ридки єдинїци доставаю здравє на чудеснит способ.

Настя кед ходзєла духом по швецѣ гуторєла, же даїдзє воздух не добри, а то не воздух тіла або моря, алє воздух душох... Розлучиц знала швецєну воду од нешвецєней... Пошла раз духом до владики нашого Дионизия шлїдом писма, котре у ей справи писала С. Софрония. Пошла и до Америки шлїдом писма, котре ей шєстри мац писала пред 14 днями, и нашли шєстру баш кед писмо читала.

(Далвї будзє).



ШПРИЦОВАНЄ ВИНІЦИ.

Пероноспора найчастєйше напада лозу у дньох, кед ше лоза будзи зос жимского сну, обично у мешацу маю. Успїх шприцованя проци пероноспори найвєцей овиши о розмиру у яким помишає вапно, белави каменок і воду. Найлєпши тот розмир: на сто литри води два кили белавого каменку і килу и пол гашєного (або килу и пол фєрталя негашєного) вапна. Материю найлєпше приправяц так: окремно ростопиц у води балави каменок — обично у даяким мєщку, окремно заш з воду премишац вапно и прецадзиц го до даякого вєкшого суду. До того сипац каменок розтопени и при сипаню добре мишац. Материю не треба нїгда вєльо скорей рихтац, алє лєм пар години пред шприцованьом. И вапно треба да будзє недовоно загашєне. Жи би дїждж прєрвал шприцованє, теди до матерїї положиц 1—10 деки цукру по 100 литрох. На тот способ останє материя ище даскельо днї добра. Кєльораз и як моцно треба шприцовац, не мож напредок повєсц. Кед време сухє мєнєйраз, кед дїжджовнє вєцєйраз. Найлєпше шприцовац такой по дїжджу хоч ше време и не дума вихвилїц. Першираз треба шприцовац, кед лїсцє вєлькє 8—10 см., другираз 3—4 тижнї познєйше, трєцираз заш по трох, штирох тижньох. Кед дїжджи части и шприцованє треба да будзє частє. Найлєпше шприцовац з рана до 10 годзин. Треба мерковац, да капки цо падаю на лїсцє буду цо мєнши. Полїванє лози баржєй чкодзи як хаснує.

ПО ЧИМ МОЖ ПОЗНАЦ ЖЕ СТАТОК ХОРИ?

Важнє за каждого газду да зна, чи му статок здрави чи хори. Вєтєринар то лєгко може познац, алє єст таки знаки на статку, по котрих може и кажди газда познац сам.

Здрави статок: 1. з дзєку става та ше нацагує, 2. Главу трима горє, 3. око здравє и бистрє, 4. уха и корєнь рога ані не барз жимни ані не цєпли, 5. нос влажни алє жимни, 6. скорка (блана) у пїскох ма будз єднака чер-

Читанє з рускей исторїї.

Живот у кїевскєй рускей держави.

Дотєраз зме описовали у главним политичну исторію руского народа, основанє Кїевскєй рускей держави, ей розвиванє, найкрасїи ей часи за славних наших владарох за Владимира Вєлького и Ярослава Мудрого — роки 960 до 1054., а вєц ей препаданє пре звади и борби мєдзи наслїдниками Ярослава. Тєраз дакус представимє нашим читатєльом общи живот у тей старєй рускей держави, як жил руски народ, яки були його дружтвени обставини, як бул народ мєдзи собу подзелєни, яки мал права и длужносци.

На чолє держави стал, княз, котри мал при себе своїх людзох-воякох, верних и тото кральово дружтво волало ше „дружина“. Зпочатку у тей князовєй „дружини“ були сами странци Варяги. Княз их спочатку плацєл — бо вони були його перши вояци, бранитєлє и хранитєлє. Познєйше до дружини пришли наша людзє, а Варяги ше порущєли. З тей „дружини“ постали перши руски пановє (як на западу барони-графовє), а волали ше боярє. То були одличнєйши дружиници князово, — котрим княз за награду давал на вичну власносц жем и валали и так боярє постали вєльки спашийовє. Вони були князово совитнї-

ци, перши ишли зос князом на войну, були вше князови на помєци и на нїх ше спєрала власц князовска. Други члєни князовєй дружини були обични вояци — котрим войованє було як ремєсло и їх волали, же су князово „отроки“. У перших часох князова „дружина“ була не вєлькє, алє зос розвитком держави поставала вєкша и вєкша и вєлї знатнєйши боярє дружиници поставали управитєлями у варошох и цалих крайох. З временем боярє так замоцнєли — же стали князом заповєдац и без нїх не шмєл княз нїч зробиц.

Далвї ше руски народ дзелєл на варошаньох и сєлянох. У варошох бул народ тиж подзелєни на вєкших, — богатїших и моцнєйших, котри ше волали „старци градски“, лебо „лєпши людзє“ и на обичних гражданох ремєселнїкох — тарговоцох — котри ше волали єдним мєном „чернь“. Варошанє мали у держави вєлькє моц, особєно у Кїєвє, вони ше частєйше сходзєли на поради, котри ше волали „вичє“ и цо на „вичу“ одрєдзєнє було, то княз мушєл сполнїц. У вєкших вєвних походох варошанє помагали князовєй дружини бранїц державу зос своім войском, котрє ше за разлику од князовєй дружини волало „жемскє войско“. По валалох жили землєдїлци, лебо як их теди волали „смерди“. Вони були шлєбодни не так у западнєй Европи, дзє сєлянє були власносц панох — боярох. Валалох таких як нєшка не було алє розтрє-

шєни, як нєшка у Боснєй, а людзє цо жили блїзко у єднєй околици творєли єдєн валал, цо ше теди волал „волость“ лебо „погость“. Жєм обрабляли зпочатку вєдно и порцию князови вєдно плацєли. А жил землєдїлски народ зос жєми, орал и шал тото цо и нєшка, лєм зос слабим дрєвєним сєрсаном. Вєльки приход мали наша стари предки од лову и од пчолох. Жєми було вєльо и то добрєй жєми лєси були полни шицкого та живот не бул чєжки. Були правда и таки парастї, котри пре даяку хибу лебо найвєцей пре длуство страцєли приврємєно шлєбоду и мушєли паном длуство одрабляц. Волали их „закупи“, а були прави раби лебо „холопи“, котри не мали шлєбоды и робєли бояром задармо. Раби найвєцей походзєли од зараброваних на войни а були и таки, котри ше нїяк не могли „квитовац“ зос боярами за своєю длуство и поставали раби. З временем боярє направєли од тих рабох лебо „холопох“ цали валали на своїх жємох. Живот рабох бул чєжки особєно, док не пришлє до рускей держави швєтло вири Христовєй. Бо поганє не знали любви ані милосєрдия гу нїжшим и худобним. Аж христіанство зос своєю науку любви гу блїжньому и о братству и єднєносци шицких людзох пред Богом полєгчєло вєльо долю рабох у старєй рускей держави.

У слїдуєчим числу напишємє о просвити и култури у руским народзє за владаня наших народних владарох, наших славних князох.

Мих. Фїрак.

венкаста шицка, 7. на язике не шме мац боляци места, а особено не при кореню, 8. звонка по целу статок ма буц еднаки цепли на шицких местах, 9. диха ровно, лгко, шлеболно на минуту 12—16 раз, 10. не кашле, гибаль случайно, 11. шерцо бие ровно на минуту 56—60 раз, 12 з дзеку в, 13, прежива по карменю пол годзини, а вец по одпочивку заш, 14, лви бок ненадути, а од карменя до карменя його надутосц ше видно меня. 15, балги густы, лем не барз, червено-желени, не блщаци, не воднсти, не чарни, а гоч су дакус змишани з газом, не чуц их на квашно, 16, моч ясни ясно-жовтей фарби а подосц, не шме буц кирвави лебо мутни, 17, виме опущене без плямох, цицки здрави, 18, добне стредне а млеко биле (не кирваве, не з отком), не шме мац ані крупку сира, не квашне, але ані не воднсте.

Вишвецел оца за священика.

Недавно ше у французким варошу Штрасбургу одбуло незвичайне торжество. Владика штрасбуржки Ортело вишвецел за священика своего старенького отца, котри ма тераз 65 роки. Пред пейцма роками умарла старому жена и вон ше чувствовал барз самотни. Зато постановел остаток живота пошвецити Богу на службу, записал ше до богословий и по пейцох роках науки його власни син, котри уж скорей постал владика, вишвецел го за паноца. Тераз вон будзе военним священиком у тих подземних французких фестунаках, цо су направени на немецкей граници.

ИТАЛИЯ не дума того року увожовац жито, бо будзе мац досц своего. Так явяю талиянски урядово висти у прекосц тому, же страни новини пишу, же Италия муши того року купиц страного жита за 3 миллиарди динари.

В. Юрченко.

Зос соловецкого пекла на шлебоду.

III.

По води.

(13)

Аж рано, кед сом ше пребудзел, упознал сом як випатра една державна большевицка ладя. Бруд, смрод ншор вшадзи. Путующих було на ней тельо, же озда вецей ані прияц не могла. А яки бидни то путници! Дзе-там уж битка на местах. Дзе-там уж тругую, а найвецей зос хлебом. Людзе гладни подрани. На моих очох едеи татар за пол ражового хлеба купел скоро-нови ципели. А други мал фалат сланни дас килу и понукал шором. Удадо ше му, бо людзе давно сланну ані не видзели, а нето едли. За добру годзинку и едну цалу кошулю вон то предал. Бидни народ... чого ше дочекал од телих обещанкох пролетарской дуктатури!

Я ше не чувствовал зло медзи такима путниками, бо по вонкашним моим вигляду и я спадал гу ним. Медзи нима сом барем не упадал нїякому чекистови до оч. Але кельо год раз сом збачел униформу, шерцо ми баржей било, а твар червенела и вше ше ми привидзовало, же уж по мне идзе. Но кус по кус ше я змирел.

Муж и жена.

Знам, же вшадзи чежки Божи закон, дзе нет добрей волі. Але так не шме буц у живоце правого христианина. Роб, цо Бог розказуе и не бой ше нїчого. Кед Бог од тебе дацо жада, Вон ци да и свою помоц, да то виполниш и Вон це зато наградзи тысячраз вецей. Бог не розказуе и не жада того од человека, цо би человек не могол виполниц.

Папа Пий XI. у своім посланию о женїдби указуе шицким на непесохла жридло, з котрого можу супруги вше брац тельо окрипи и помоци, кельо им треба. Тото жридло ше вола

Тайна женїдби.

Зос Тайни женїдби вше и вше можу супруги доставац Божу ласку як за себе так и за свойо дзеци. Ту вредзи таке правило:

Ласка Божа у женїдби то баржей рошне, чим супруги баржей жию по Божиим одредзеню, яке Бог одредзел за мужа и жену у женїдби.

Кажодневни нам живот шведочи, же у таких женїдбох, дзе ше закоренел грих, там и найлгчейши длужносци поставаю чежки и барз не мили. А дзе супруги радосно примаю хрести женїдби на свойо плеца и ноша их полни преданя до рукох Божого Провидїня, там их сили кажди дзень вше сильнейши и вони радоснейши. Кажди може на свойо очи видзиц при таких супругох благослов Тайни женїдби, якого благослова не добиваю тоти, котри зос грихом запераю свойо души пред ласку Божу.

Заклучуеме тоти даскельо слова зос словами Вселенского Архиеврея Пия XI.: „Най други гуторя и пишу як су, же доживотна женїдба тварди котракт, прави христианин ма ше у шицких супружеских обставинох през викруцованя покорити Божим постановом, помагац ше вше з медзисобну любовию, совистно храниц женїдбену чистоту, нїгда не оскверниц женїдбену вирносц, служиц ше зос женїдбенима правами лем на християнски способ и умерено, особено у перших часох женїдби, да познвїше, кед може буц буду обставини то жадали, лгчейше ше буду годни стримац... и жиц у чистоти.

ПРИГОТОВЕН НА ЖЕНІДБУ.

Вчас треба започац

Раз питали славного Наполеона, кеди мац мац започац зос вихованьом свойого дсецка. Глїбокомни Наполеон так им одвитавал: *двацеи роки скорей як ше дзецко народзи.*

У тих словох крие ше велька правда. За женїдбу треба приготвовац з найвекшим стараньом не кед дзеци заручени, але през цалу младосц.

Женїдба то Боже поволане, котре одлучуе о іщесцу не лем едней особи, але и велїх. Вельораз женїдба одлучуе и о вичносци як мужа так и жени и их дзецох. Прето мудри человек не идзе до винчаня през доброго приготваня души и тіла и господарства.

Вчас рано 27. юна вишедал сом у Соколю (дзе Вятка упада до Ками) и прешеднул на казанску ладю, а по глїбокей рики Ками швидше ше путовало, як цо Вятки, дзе зме вецейраз нашедали на муль, та зме ишли з волу швиджосцу!

Други дзень сом уж прешеднул на астраганску ладю и рушел по „матушки“ Волги. Народу вшадзи вельо, а то ми на руку було, бо сом вшадзи мал заклон. Путоване зато по Волги ми ше не барз пачело. Не зато же вона не моя матушка, але пре краевиди, кадзи вона чече. Вше на ней молга, наоколо голи шиви бреги, вода мутна, природа вшадзи дзива.

Два днї траяло мойо путоване по Волги. Даскельораз сом заходзел читац новини по штацийох, бо на каждой вст „красний уголок“ (большевицка читальня). А баи тих днєох ше одбувал XVI партийни большевицки конгрес, та сом о тим вецейраз себе з новинох по кус читал. Але не прето я там уходзел, Тоти „уголки“ були за каждого, хто до них вошол, гаранция, же го чекист не будзе претресац — мне то важне було.

— Ти, таварищ, стало бить, палітїк бальшой, ударник бригадїст, видать, будеш-та? озвал ше гу мне надпатрач „красного уголка“.

— Так, таварищ, потвердзел я йому по-важно, кого ншка не интересуе политика, кед жибе у таких важних часох.

Барз нам ясно и одлучно о тим гутори послание св. Отца. Там так читае: „не да ше скривац, же фундамент щещлївей женїдби муши буц тварди. Розпадане щещлївей женїдби готуе ше и поставя у дзециньских часох у душох хлапцох и дзивнатох. Кед дакто пред винчаньом гледа лем самого себе и свойо, а попушал похотом, за таког ше треба бац, же вон и у женїдби остане таки, якщо бул пред женїдбу и же будзе мушица цо пошал: у своім дому жалосц, смуток, медзисобне презиране, вадзене, одчудзене, жиму у спильним животу, и цо найвекше: вон найдзе лем самого себе зос своїма нукроценима похотами.

Барз то жалосно, кед человек видзи, як ше людзе мало готую на женїдбу. За каждую другу службу готуе ше человек роки и роки, а за женїдбу вельораз нїяк. Земледїлец ше муши учиц през цалу младосц, а так исто и вшелїяки тарговици и ремеселници. То нам и здрави розум гутори, же за каждую службу треба добре приготвене, а за женїдбу велї думаю, же досц даскельо попатрунки и приязни слова, або цо ище меней вредзи: тілесна любов.

Една од найважнейших стварох при женїдби муши буц:

Права любов.

У чим стої права любов? Права любов тота по словох св. Павла, котра зна, „церпиц, котра зна добре твориц, буц смирена, котра не гледа себе и свойо, не дума на зло“ (1. Кор. 13, 4. 5.) З другима словами заручници маю принесц на винчане як винчани дар еднo за друге: несобичносц, пожертвовносц, розтропносц, кроткосц, смиреносц. Таки ствари не мож поспигнуц за два три тижнї, док ше вони оглашую. Тоти дарунки не мож ані купити, але треба их готовиц през цале дзециньство и през цалу младосц.

Вони ше годни назберац, кед ше уж дзецко зна надвладовац, понїжиц, старшого послухац, од шицкого нечистого сцекац, пановац над собу. Хто таки побиди не вивойовал у своім дзециньству и младосци, тот або тота буду мушиц таки борби провадзиц у женїдби. А як ше у женїдби така война скончи, то Бог едни зна. Чи не видзе з такой войны у тим часу немир у фамелиї, гнїв, ненависц, а може ище и дацо горше?

За щесце у фамелиї потребна права побожносц.

Права тота побожносц, дзе людзе познаю св. виру и по вири жию. Дзе людзе не познаю Бога, там не будзе ані правей и чистой побожносци. Як випатраю таки женїдби, то нам шведоча вельки места, дзе людзе по недзельох и празникох пребиваю або у карчмох, або иду дагдзе до горох, лем да не буду у милим кругу своей фамелиї. Таким людзом не мило буц дома, вони не находза потїхи при своей жени и при своїх дзецох. Их душа вше цошка гледа и гледа, а нїгдзе не може найсц мира, бо „людске шерцо так длуго немирне, док ше не змири у Богу по св. вири“.

(Далей будзе).

— Да, паря, — почал вон з високим тоном — переживама собития дїйствительно историческаво екстремираваго значения XVI. партейной с' езд одобрил пятїлетку и дал дїректїву сацилїзації. И перед нами два пратївопаложних канца: илї ми асуществим патїлетку-социализм и пойдьом тагда паходом на мировой капитал, илї буржуазия не дасть нам совершить истарическую мисию мирово пралетарята, пайдьот на нас преждєврмено интервенцией...

— Та дзе?... буржуазия ше нас бої, ша ми би ю учас прегажели.

— Видїш, братїшка, дело в том... и почал як политик-пророк розправац:

Ми крочели барз шмело напредок, а то значи же рескираме. Сталїн так отворел тєрашнї партийни конгрес зос тима словами: „ми вишли на найвисшу точку, бо зме зажили социальним животом. На каждую страну живот... машини. Ми твориме историю за дзень, яка ше пред нами творела у едним столїтїю! Ище рок-два и будземе мац резултати. Але можу буц дзояки: або нас Европа (буржуї) нападне и подзвигне на ноги контрареволуцию (нукашнїх неприятельох большев. режиму) и будзе страшна кирвава война, у котрей кед нас зламь, запануе стара буржуазия у Росїї з креву и огньом, лебо одбїме буржуйох и занеєме пролетарски дух до цалого швета. А други резултат, то кед ше нам уда заснуєме нови социальни швет и живот. Стоїме на верху, та лебо спаднеме и цалком згїнеме, лебо будземе побидники. (Далей будзе).

„Отцови пикслу“

На дарованим пенџу мож упознац и найскритши дзецински думи. Еден хлапец доставал од родительох и родзини на свой имени дзень дари. Йому пришло на розум, да и вон свойому оцови да на його родзени дзень даяки дар. Хлапец купел оцови дар ище пред шветом, але ше не мог стирвац, да ше оцови не похвалі: „Апо я вам купел дар, але вам не виволам цо сом купел, гибаль сами одгаднече“.

Оец гадал, але одгаднуц не могал. Наконцу му син виволам, же му купел красну пикслу. Оец ше зачудовал тому дару, бо вон сам не курел. У нїх бул таки обичай, же ше оец и мац радзели, цо купя. Гуторели треба нам тото и тото, але купиме лем тото цо найнужнїше, гоч би нам и друге требало. Хлапец видзел як то швет зос смаком кури, але думал, же його оец лем зато не кури, бо му на доган не вистава. После того собития, не чекко було родительом ростолковац свойому дзецку, як ше вони радуо, же в шпоровни, а и о чкодливосци догану.

На шпоровносци треба дзеци приучовац од малючка. Добре кеди некеди дац дзецку динар-два, най воно з нїм розполага, як сце. Але треба, же би родители не забули опитац ше дзецку, цо воно з тим пенџом зробело. Кед го добре похасновало, треба му заш дац и мерковац нацо го потроши, бо кед ше над дзецком не будзе водзиц вше полни надзор, гоч воно першираз добре пенџ похасновало, воно го другираз потроши нацо и други дзеци звичайно троша.

Кед дзецко уж першираз лем змарні пенџ, не треба го карац, але ше о тим з нїм розгвариц. На приклад: Дзецко достане пол динара и такой за нго купи мехир. Ище не дошло дому, мехир пукнул. Кед ше о тим мехиру дома не будзе бешедовац, дзецко годно у першей згоди заш лем мехир купиц. Кед ше о дзецку водзи рачуна воно будзе куповац шоровши бависка. Шоровши бависка драгши, зато воно муши шпоровац през друкши час. Дотля ма кеди роздумовац, цо купи. З временом мож дзецко навесц на го да себе купув за даровани пенџ клайбаци, пирка и книжочки.

А тєраз ше здогадаїме, як нашо дзеци аздуо зос дарованим пенџом на кирбайох. Чи едно дзецко достане на дар 20 динари, лебо и вецей? Даскельо динари муша пойсц на сонїки, дакус на цукер, дакус на бависка а и на сецоване ше дава. По кирбаю чисти дзецински кишенки, а о кирбайских пенџох рачун ше не здава нїкому.

Цо пише бачи Дюра?

Вербаскей писанки — о своїм пращецу.

Христос Воскресе!

Пане Редакторе!

Ви пане, думаце, же я кед дзелел писани та же сом забул на Вербас. Ей не, як ше в розумице до мойї политики, та не може в видици же то — нароком я зробел, а паце и-а прецо.

Ви знаце, пане кед ше даяка работа апочне за общев добро як ше гвари та треба ложних людзох. На приклад, кед попатрице ка зложносц по наших Читальных, и других ружтвох.

Кед дакус видице, же як то квитне лагода и зложносц та вам аж мило, же сце оведзме редактор, а я бачи Дюра.

Розпочнече поведзме даяку роботу. Це на приклад книжки купиц, лебо там овинки предплациц, лебо членарию виплациц, вец патрице як крашне зложно идзе работа:

Една трецина членох зложно пове же з треба тоту роботу зробиц.

Друга трецина пове, заш зложно як еден е ше муши тоту роботу окончиц, а вец три тварцини останю зложно дома, бо себе маю:

Та ище сом люцку бригу не водзел. Мне ка брига.

Тєраз паце, прецо я братом до Вербасу послал вайцо. Вони сцу будовац церкву.

Кед би сом им послал писанку а вона була зачувай Боже, запорсток — вец и такой подумали же я то нароком — бо ни розпочали вельку роботу та же з ней будзе нїч.

Кед би сом послал добре варене вайцо, вец би ше могло трафиц, же би ше не могли подзелиц, — а вец знаце уж цо би було, — наша зложносц би пошла на верх.

Знаце пане, най вам пошептам: И Вербасане Руснаци, а Руснаци кед ше уж сцу гнївац, та справа зос такого малого як вайцо, та таке вельке як керестурска церква.

А церква кед же будзе та знаце як, — треба меней тей рускей зложносци.

Та видице прото я не послал тото вайцо. Же би ше не стало же у Вербаше не збудовали церкву пре бачикову писанку.

Да сом вакосни та би сом ше ище и цешел кед би сом могал направиц даяку баламуту, але я зато не зос такей файти, бо мушице знац пане же и у нас вст и таких файтох цо не жадаю зло другим.

Но та, так! Кед раз браца у Вербаше збудую себе церквочку вец им пошлєм — два писанки, нараз.

Но та видице на тей зме точки. Але мам вам ище дацо написац так дас у два три слова: Длугока приповедка, знаце, але знам же ше забудзече прежегнац ше кед вам повем цо чим ше роби:

Подумайце цо сом чул:

Преходзел сом коло нашого кармика, а нараз чуем — праше бешедує. Як праше, — а бешедує. А так крашне пане:

Бешедує як человек, а зос свою швинку та ей гвари:

— Слухай швинко, зло нам ше пише, волеє би сом буц пес як веприк.

А швинка йому:

— Але, чом? Та псу даваю одну косц на дзєнь, а нам полни кабел помиї, а едзєня якого сщєц.

— Е було то моя швинко док людзе були шалєни а тєраз та людзе мудрейши.

Скорей видиши та у фамелийох ше роздєли дзеци, та ше их вец ношєло на кресцини, а тєраз моя швинко...

— А тєраз?

— А тєраз, — псом кресцини отримую. А кед умре пес та нарикаю за нїм, дзвигаю му памятник а там пишу:

„Памятник“ подзвигнул ожалосцени оец“.

— Но та цо вец — ша вони за то не одберу од нас нїч з вєдла.

— Але ши дурна швинко. А ти не знаш же кельо вст на швецє псох.

— Та цо?

— Та цо?! Кед людзе цалком змудря та подсвоє — шицких псох, цо вст на швецє а вец моя швинко — будзєме ми швиньски род страдац — бо знаш яки людзе. Повєдли би ух, не сцєм повєсц, бо ше зачервенїм, — лем кед у людзкого, а гоч на пших кресцинох.

То сом видице дочул од пращеца, та реку, дайце виглашиц по наших вєдлаох, кед би дахто сцєл постац пши „оец“, — же бачи Дюра ма єдного цо би, го дзєчне оддал, бо уж вецей не будзем тримац пса, же би зачувай Боже дахто не подумал же сом му оец.

Напишец то пане и тим жєном цо ше боя мац дзеци, (єдни пре худобство а други пре капитал) най ше презнаю як ствара стої зос псами. Бо як ше вєжне, але легчєйше одховац пса як дзецко.

А и то знаце пане же ше вец не будзе мушиц учиц „дзеци“ и дома крашне брєхац, бо вони буду то робиц през науки, але ше ище то станє, же и мацєри почно з „дзецими“ — крашне, прекрашне — брєхац, ценко, грубо, грубше и найгрубше, — га не, пане?

Писанє писмо на тоту недзєлю цо по Дзурїови а писал го бачи Дюра з Керестура.

РУСИНИ!

НОВЕ!

У ново отвореней

тарговини скла

можеце достац

шицки склєняни вироби: погари, фляши, танєри, миски, святи обрави, жвератка и скла на облаки, нови и стари оправям по найтуншей цени.

ДЮРА ПЕТЬКО, Руски Керестур

(у Др-а Левия хижї)

ШИРОМ ШВЕТА

Революциу у Бразилиї сцєл направиц предняк бразилиянских фашистох Салагадо вєдно зос генралом Килингером. Президент Бразилиї Варгас енергично зїнцєл революциу у початку. Вєлі приду пред воєни суд и чека их бизовна шмерц.

Житєлство Чехословацкей. Чехословацка република ма 16 милийони житєлєох. По народносци житєлство ше дзєли так: Од 17.189 валалох вст 11.764 валали чєски лебо словацки, 4.000 валали нємецки, 740 мадярски, 630 руски, 56 польски, 3 хорватски и 2 жидовски.

У Китаю мали Япанци нєвєльки успих на фронту при варошу Сучау. Китайци ше мушєли поцагнуц назад. Иншак у войни китайско-япанскей нєт важних пременкох.

Большевици вєс Москви уж були одлучєли охабиц єспанских большевикох, да ше сами далєй боря як знаю и не давац им вецєй помоц. Але тєраз ше зїшли у Жєнєви московски министр (Жид) Литвинов и єпански большевицки министр Дєл Вайо и єпански большевик нагварєл Литвинва, да московски большевици далєй посилаю помоц до Єспаниї. Нови танки и бомбардєри уж су на дражє зос Москви до Барселони.

Жидзи у Нємецкей. Од кеди пришол у Нємецкей на владу Гитлєр, котри не любї Жидох, спадло число жидох у Нємецкей од 510.000 на 350.000. Найвєцей Жидох висєлєло ше до Палєстини шицкого 40.000 — вєлі пошли до Америкї, Польскей и Югославїи и до других державох. Гитлєр забранєл Жидом ступац до державней служби, а у фабрикох шму Жидзи робиц лєм у тих. — котрих властїтєлє Жидзи. Нємецким Жидом вєльо помагаю богати америкї Жидзи.

Наша Держава

НОВИ ДЕРЖАВНИ ЗДАНИЯ У БЕОГРАДУ. Ище того року почно ше у Бєограду будовац тотї вельки державни здания: Нови театєр за оперу, єтнографски музей, у котрим ше буду чувац народни вироби, мєнза за студєнтох универзитєта, нова гимназия, нова гражданска школа и виша педагогична школа и три здания за нови клинїки. Бєоград ше розширює.

ПРЕМЕНКА МЕНА Югославянскей Академиї у Загребу. Покойни катол. владика у Дякове Штросмаєр основал у прєшлим столїтию у Загребу високе дружтво учєних людзох, цо ше вола Академия. Таки наукови академїи маю шицки народи. Тоту Академию у Загребу назвал Штросмаєр Югославянска Академия. Тєраз у Загребу мєдзи хорватскимѝ учєняками постої акция за тим, да ше мєно Югосл. Академия пременї на Хорватска Академия.

НАШО ПЕНЗИОНЕРЕ не шму одсєлїц до другєй держави и там жиц од пензиї з нашєй держави. Хтори пензионєр останє у странєй держави длужєй од два мєшаци траци 20 проценти од своєй пензиї.

ПОДРАКШАЛ ХЛЄБ у Словєниї и то уж другираз у тим мєшацу. Тєраз кошта били 5.25 Д., а чарни 4.75 Д. кила.

ОБЕШЕЛИ збойнїка Душана Остоїча „Рому“ зос валалу Купиново у Сримє. Вон забил три особи. На шмерц ишол шпиваючи. Бо человек може зос злима дїлами так отварднуц, же анї совисци анї души у себе не чувствєв. А да тот збойнїк чувствєвал у себе совисц и да слухал ей глас не пришол би на вишадла.

ПОЧАЛА ПАДАЦ цена жита од штвартку 18. мая. За тєраз цена спадла лєм за даскельо динари. Випатра, же ше вельки тарговци — шпекуланти устрашєли, же влада годна доволїц увоз цудзого жита та почали попушовац.

ДРУГИРАЗ САДЗА кукурицу у Сримє бо пре жиму и влагу перша не зїшла. Тиж страдали у Сримє винїци од жими и мразу. Вєлі думаю, же тот рок будзе за винїци барз подли.

Предам 60 вельки гольти жєми вєс красним салашом, (5 км. од Дюрдьова) гоч на вецєй парцєли. Обявиц ше гу **МИХ. ДЖУДЖАРОВИ.** качмарови, Руски Керестур.